

本书出版得到国家古籍整理出版专项经费资助

清代吏治史料

线装书局

官员管理史料 四九

清代吏治史料

綫裝書局



吏部等部經筵講官少保兼太子太保保和殿大學士兼管吏部戶部尚書事加六級臣張廷玉謹

題爲遵

旨議覆事該臣等會議得刑部咨稱恭奉寶泉局監督費我衛等索騙財物婪取陋規一案准總理戶部事務和碩果親王允禮等奏稱齊士齊身為監察御史委任寶泉局監督允監收銅鉛自應秉公辦理何得因范毓韻松相屬託即行贍狗草率從事應令該部嚴加議處長有身為侍郎收受費我衛餽送轎馬素珠節禮等物有玷官箴應請交部察議等因奉

旨齊士齊著交部議處長有著一併交部察議欽此欽遵在案應聽該部分別

查議等因前來

查定例官員因事囑託事發者革職等語應將聽

信范毓韻囑託之寶泉局解任調理監督監察御史齊士齊照例革職至侍郎長有身任大臣理應杜絕私情乃收受司官費我衛餽送禮物殊屬不應查律內不應得爲而爲事理重者杖八十官員犯杖八十者降三級

調用等語應將原任戶部侍郎今調工部侍郎鑲藍旗滿洲副都統長育
照律降三級調用有加一級應銷去一級仍於侍郎任內降二級調用
恭候

命下臣部等部遵奉施行臣等未敢擅便謹

題請

旨雍正十二年三月二十二日題二十四日奉

旨齊士齊著革職長有著銷去加一級抵降一級仍於侍郎任內降二級調

用

經筵講官少保兼太子太保保和殿大學士兼官吏部戶部尚書事加六級臣張廷玉等謹

題爲病軀難以供職懇賜轉詳回籍調理以免貽誤事該臣等議得山東巡撫岳濬等疏稱署沂州州同任元淳辦事無悞才具可觀今該員染患怔忡一時難以痊癒應請照例准其回籍調理俟病痊由原籍督撫給咨引見仍令來東委用至所遺沂州州同員缺查有

命任山東試用拔貢鄭漢章爲人謹飭堪以署理沂州州同仍照例扣限試着果能稱職另題實授等因前來除任元淳患病回籍調理臣部照例另行彙題外其沂州州同員缺該撫等既稱試用拔貢鄭漢章爲人謹飭堪以署理等語應如該撫等所請試用拔貢鄭漢章准其署理沂州州同照例試用期滿果稱職另題實授可也恭候

命下臣部遵奉施行臣等未敢擅便謹
題請

旨
雍正十二年三月二十二日題二十四日奉
依議

經筵講官少保兼太子太保保和殿大學士兼管吏部戶部尚書事加六級臣張廷玉等謹

題爲特參違例苛派以肅學政事該臣等議得湖學政凌如煥疏稱臣考試
荊州府開前任知府周鍾瑄府考童生並不遵例奉行其修理考棚什物
等項擅派各州縣出銀脩辦安陸府知府署荊州府提調事偉璵稟稱本
年荊州修理考棚共派各州縣銀四百四十一兩三錢零將前任知府周
鍾瑄印文稿案送閱臣見之甚爲駭異查借修考棚名色苛派地方事關
學政理合嚴查釐剔將借考試違例私派之荊州府革職知府周鍾瑄題
參等因前來查定例官員私派者革職拿問等語應將借名考試違
例私派荊州府知府周鍾瑄照例革職拿問查周鍾瑄已經別案革職其
革職之處相應註冊仍令該府拿問恭候

命下臣部遵奉施行臣等未敢擅便謹

題請

旨雍正十二年三月二十二日題二十四日奉
旨依議

署理江南江西總督印務湖南巡撫在任守制臣趙弘恩謹

題爲特叅欺朦濫派之縣令以肅法紀事竊臣訪聞句容縣有弘派貼費每年共銀二萬餘而又派火把夫銀七十二兩又徵收草場蘆課等雜項每兩加耗一錢五六分不等見任知縣魯弘瑜並不通詳力革小民力量有限以致額賦轉生拖延及臣嚴察所載支用各數多屬捏造細察魯弘瑜自雍正九年到任至今每年用夫該工食銀一百六十兩俱於貼費內支發又稱修備考棚什物每年收銀二百餘兩亦出於貼費之內又雜項火耗除加一外每年約多收銀一百二十餘兩其餘有無婪分若干尚須摘提糧長經承質究但魯弘瑜欺朦濫派劣蹟已著未敢一日姑容理合請

旨將知縣魯弘瑜革職以便質審究擬正在繕疏間又據蘇州布政使白鍾山等揭報前來除摘印看守飭查倉庫外謹會

題請

旨雍正十二年三月初五日題二十四日奉

旨這所奏魯弘瑜^著羊職其欺朦濫派情由該撫審擬具奏餘著議奏該部知
道

署理江南江西總督印務湖南巡撫在任守制臣趙弘恩謹

題爲特叅昏庸廢弛并才力不及之縣令以重吏治事竊知縣乃親民之官得其人則百姓受益非其人則地方貽誤江西屬員向以相隔寫遠吏治廢弛要缺均未得人臣蒙

皇恩署理兩江總督仰體

聖主勵精圖治察吏安民至意官無遠近大小屢經訓誡務期處處調劑得人收實效乃有江西弋陽縣知縣周廷壽才既昏庸性復疎懶諸事闕茸詞訟拖延余茂期等偷竊徐永澄等衣穀一案延擱八月瘦斃三命進賢縣知縣李空凡係調簡之員不思奮勉一味怠惰廢弛地方事務全不辦理鼠竊頻聞亦不勒緝此二員者實屬昏庸廢弛難以姑容又南豐縣係繁疲要缺知縣褚侯藻才具平常性情迂拙且積欠不清前縣清查就緒所剩無幾至今不能徵完又都昌縣係繁難要缺知縣王先立過於拘謹不諳吏治地方未能整理辦事又復遲鈍此二員者委係才力不及難勝

民杜之任雖屢加策勵仍無振作未便因循致貽誤正在核叅間據江西署布政使宋筠等會揭并據廣信府知府程廷偉等具詳前來與臣訪聞無異所當特叅請

旨將周延壽李空凡二員革職梏俟漢王先立二員聽部議處臣謹會題請

旨雍正十二年三月初五日題二十四日奉

旨這所叅周延壽李空凡俱著革職梏俟漢王等著議處具奏該部知道

巡撫湖北等處地方兼提督軍務都察院右副都御史加二級紀錄二次臣德齡謹

題爲特叅貪婪虐民之州判以儆官邪事竊照州判一官職司捕務必須守法維謹潔己奉公方稱厥職詎有歸州州判朱琮者貪婪成性巧詐居心有新灘監生杜秉鑑因母生日唱戲被戲子班頭控伊窩拐竊姦該員濫行准理商同書識杜發等詐銀一百兩生員杜振德交送宅門王姓繼進該員收受遂寢其事杜秉鑑被詐不甘聲言欲告該員恐詐贓昭著適遇盤獲旂逃何五遂教唆何五誣扳杜秉鑑窩賭賂解該州以飾其非臣正訪察聞據署理湖北武昌布政司事分守武漢黃道食事朱潘等各揭前來似此貪劣狡詐之員婪賍既多未便僅予咨革相應會同湖北總督臣邁柱合詞

題叅請

旨將歸州州判朱琮革職與案內有名人犯一併嚴審究擬以振官方者也臣

等未敢擅便謹題請

旨雍正十二年三月初三日題二十四日奉

旨這所叅米珠著革職其貪婪虐民情由及本內省名人犯該督一併嚴審究
擬具奏該部知道

經筵講官少保兼太子太保保和殿大學士兼官吏部戶部尚書事加
六級臣張廷玉等謹

題爲病軀難以供職懇請轉詳回籍調理事該臣等議得四川總督黃廷桂
等疏稱雙流縣試用知縣莊大椿才具明白克勝厥職今患病情實理合
題請准其回籍調理所遺員缺查有以知縣試用舉人吳烜歷經委署南
川等缺知縣接篆貳年有餘居官勤慎題竇授宜賓縣知縣因部選知縣
曾紹宗到任已經交代離任即請以吳烜補授雙流縣知縣等因前來
除署雙流縣知縣莊大椿患病回籍調理臣部另疏彙題外其所遺雙流
縣員缺該督等既稱以知縣試用舉人吳烜歷經委署接篆二年有餘居
官勤慎請以補授等語應如該督等所請吳烜准其補授雙流縣知縣可
也恭候

命下臣部遵奉施行臣等未敢擅便謹
題請

青雍正十二年三月二十三日題二十五日奉
旨吳烜依議補授

經筵講官少保兼太子太保保和殿大學士兼管吏部戶部尚書事加六級臣張廷玉謹

題爲欽奉

上諭事該臣等議得雍正十二年二月上半月應入彙題丁憂之案二件告病之案七件更名之案三件乞休之案二件復姓之案一件共十五件除應開缺者即行開缺外相應開列彙

題俟

命下之日臣部遵奉施行臣等未敢擅便謹

題請

音

計開

一件爲丁憂事准都察院咨稱戶科給事中張鉞呈稱親父張繩祖於雍正十一年十一月十二日在籍病故鉞於本年十二月二十六日在